

ჭიათურის მუნიციპალიტეტის საკრებულოს

დადგენილება №4
2016 წლის 5 თებერვალი

ქ. ჭიათურა

ჭიათურის მუნიციპალიტეტის სიმბოლოების – გერბისა და დროშის დამტკიცების შესახებ
საქართველოს ორგანული კანონის „ადგილობრივი თვითმმართველობის კოდექსი“ მე-8 მუხლისა და 61-ე მუხლის მე-2 ნაწილის შესაბამისად,
ჭიათურის მუნიციპალიტეტის საკრებულო ადგენს:

მუხლი 1

1. დამტკიცდეს საქართველოს პარლამენტთან არსებულ ჰერალდიკის სახელმწიფო საბჭოსთან შეთანხმებული ჭიათურის მუნიციპალიტეტის სიმბოლოები – გერბი და დროშა (დანართი №1).
2. დამტკიცდეს ჭიათურის მუნიციპალიტეტის გერბის აღწერილობა №2 დანართის შესაბამისად.
3. დამტკიცდეს ჭიათურის მუნიციპალიტეტის დროშის აღწერილობა №3 დანართის შესაბამისად.
4. ჭიათურის მუნიციპალიტეტის გერბისა და დროშის გამოყენება/დაცვა განხორციელდეს მოქმედი კანონმდებლობით დადგენილი წესით.
5. ჭიათურის მუნიციპალიტეტის გერბისა და დროშის ორიგინალების შენახვის ადგილად განისაზღვროს ჭიათურის მუნიციპალიტეტის საკრებულოს აპარატი.

მუხლი 2

დადგენილება ამოქმედდეს გამოქვეყნებისთანავე.

ჭიათურის მუნიციპალიტეტის
საკრებულოს თავმჯდომარე


ალექსანდრე ციციშვილი

დანართი №1

ჭიათურის მუნიციპალიტეტის გერბი



ჭიათურის მუნიციპალიტეტის დროშა



დანართი №2

ჭიათურის მუნიციპალიტეტის გერბის აღწერილობა

გერბის ფარი გაყოფილია სამ არათანაბარ ნაწილად. მარცხენა მწვანე ველზე გამოსახულია ბოლნურ-კაცხური ჯვარი; მარჯვენა ლაჟვარდოვან ველზე გამოსახულია ვერცხლის კაცხის სვეტი, ხოლო კაცხის სვეტის თავზე ოქროსფერით გამოსახულია ბაზილიკა. გერბის ქვედა შავ ველზე, რომელიც გერბის ფარის 1/3 ნაწილს წარმოადგენს, გამოსახულია მალაროს მადნით დატვირთული სამი ოქროსფერი ვაგონი.

გერბის ფარს ზემოთ მოთავსებულია საქალაქო ვერცხლის გვირგვინი – სამკოშკიანი ქონგურებიანი გალავანი ნახევრად ღია ჭიშკრით.

ფარს ქვემოთ მოთავსებულია გერბის დევიზის ვერცხლ-მწვანე ბაფთა, რომლის ვერცხლის ველზე შავით ჩაწერილია გერბის დევიზი „ჭიათურა“.

დანართი №3

ჭიათურის მუნიციპალიტეტის დროშის აღწერილობა

დროშა ჰორიზონტალურად გაყოფილია ორ თანაბარ ნაწილად. მარცხენა ნაწილი წარმოადგენს მწვანე ველს, ხოლო მარცხენა ლაჟვარდოვან ველს. დროშის მწვანე ველის ზედა მარცხენა კუთხეში გამოსახულია ბოლნურ-კაცხური ჯვარი.

დროშის პროპორციებია 2/3.

